

Sekreterîya Neteweyanê Yewbîyayeyan rê (NY)

Amadekerdoxanê belgeyanê heqê merdîman ê mîyannetewîyîyan rê, ê hêzan rê ke polîtîkaya cîhane de wayîrê qîsa û qudretî yî

Madeyê 2. yê destûra NY de ameyo vîrardene ke ganî heme neteweyî derheqê musteqbelê xo de wayîrê qerarî bîyî.

Madeyê 3. nusîyayo ke bê ke ferqê cinsîyet, nîjad, ziwan û dînî bêro kerdene, ganî heme kesî wayîrê heqê merdîman û azadîyanê binkeyîyan bîyî.

Kurdistan reya verêne serra 1639 de bi peymanê Qesrî Şîrin mabênê Împaratorîya Osmanî û Sefawîyan de ame pare kerdene, dim a 24 temmuze 1923 de zî bi peymanê Lozane û bi rîza û îmzaya welatanê Ewropa bi çar parçeyî.

Yeno zanayîş ke Rojhelato Miyanên de nêzdî 35-40 mîlyon kurdî estê. Labelê estbîyayîşê kurdan nîno qebulkerdene û kurdî nînê naskerdene. Nameyê kurdan û Kurdistanî çin o. Gelek neteweyê ke nufusê înan nêreseno çend sey hezaran bîyê wayîrê dewlete, labelê estbîyayîşê kurdan bi qanûnanê kolonyalîstan ê nîjadperestan ê tirk, ereb û farîsan çinbîyaye yeno hesabnayene.

Kurdî ne sey kêmetewe (mînôrîtet) ne zî Kurdistan sey welatêko kolonî yeno veynayene. Welatê mayo çend hezar serre ereb, tirk û farîsan ser o hesabîyêno. Yanî ma çin ê. Statuyê welatê ma kolonîyêkî ra zî gelek apeyêr o, reng, ziwan û kulturê ma qedexekerde yo.

Wezîfeyê talan û îşxalkerdexanê Kurdistanî, zilm, teda, înkâr û asîmîlasyon ra teber çîyêna nîyo. Nê dewletan waştî ke Kurdistanê îşxalkerdeyî de çî çîyo ke têkildarê kurdan o orte ra wederê. Seba na amaca xo heme metodê zilm û tedayî ceribnayî.

Ma tarîxê xo de miqabilê zulmê dewletanê kolonyalîstan timûtim sere wedarito. Kurdistanê parebîyayî de adîrê azadî û edeletî caran hewn a nêşîyo.

Çîrê xoserbîyayîş û azadî kurdan ra teber heqê heme neteweyan o? Kosowa welatanê xoserîyan rê nimûneyêka newa ya. Ma zî heme heqanê neteweyanê azad û xoserîyan wazenê. Ma wazenê ke derheqê qederê xo de qîsaya peyene ma bi xo vajê.

Dewletanê ereb, farîs û tirkan ma nêxeliqnayî. Nê dewletan ra ver ma wayîrê welatê xo bîyî. Ma macîr nîyî.

Nika nameyê welat û şarê ma qedexe yo. Gama ke ma nameyê welatê xo vanê, nê dewletê kolonyalîstî ke merg û gonîya vêşêr çîyêna nêdanê ma, goreyê qanûnanê xoyê nîjadperestan cezaya zîndanî ma ro varnenê.

Ma kurdî êdî heq û edelet wazenê. Ma wazenê gedeyanê xo, bi ziwan û kulturê xo bi hewayêko azad pîl bikerê. Ma wazenê dew û qezayanê xo de bê ters biciwîyî. Almanya yahudîyan ra, Awustralya Aborjînan ra uzrê xo waşt.

Labelê kurdan ra kes uzîr nêwazeno. Welatê kurdan hema zî çar parçe yo. Ê her reya ke kurdan heq waştî ameyî kiştene.

Labelê wa kolonyalîstî naye baş bizane: Ma caran fek Kurdistanî ra veranêdanî!

Gelî dewlet û dezgeyan! Şima ê ke qederê cîhane ser o qerar danê! Madema ke dinya de nika nîzama ke şima ronaya vêreno, ma wazenê şima ma kurdan rê zî statuyêkî peyda bikerê.

Ez sey yew kurdî, nîzamronayoxanê cîhane ra azadîya xo û welatê xo Kurdistanî apey wazenê. No heqê min o.

Bi rêz!

www.ezkurdim.com